



საიას შეფასება 23 თებერვალს განვითარებულ მოვლენებთან დაკავშირებით

სამწუხაროდ, საქართველოს მთავრობამ ვერ უზრუნველყო შექმნილი პოლიტიკური კრიზისის განმუხტვა და მშვიდობიანი მოლაპარაკების გზით მიმდინარე პროცესების დეესკალაცია. ხელისუფლებამ არ გაითვალისწინა მრავალმხრივი მოწოდებები. საპოლიციო ძალების მეშვეობით ოპოზიციური პარტიის თავმჯდომარის დაპატიმრებამ, კიდევ უფრო დაამძიმა არსებული ვითარება.

მნიშვნელოვანია, რომ საქართველოს მთავრობამ გადადგას კონსტრუქციული ნაბიჯები ქვეყნის პოლიტიკური კრიზიდან გამოსაყვანად, ამასთანავე, არ დაუშვას შეკრება/მანიფესტაციის უფლებაში ჩარევა და მისცეს დემონსტრანტებს კონსტიტუციით

გარანტირებული უფლებით სარგებლობის საშუალება.

მოკლე მიმოხილვა:

სამართალდამცავების მხრიდან სასამართლოს განჩინების აღსრულებას წინ უძღოდა პოლიტიკური პროცესები. როგორც საზოგადოებისთვის ცნობილია, 2021 წლის 16 თებერვალს პარლამენტმა დეპუტატის და ერთიანი ნაციონალური მოძრაობის თავმჯდომარის, ნიკა მელიას, მიმართ გირაოს უფრო მკაცრი აღკვეთის ღონისძიებით შეცვლის შესახებ სასამართლოსათვის შუამდგომლობით მიმართვასთან დაკავშირებით საქართველოს გენერალური პროკურატურისთვის წინასწარი თანხმობა გასცა.^[1] შედეგად, ამავე წლის 17 თებერვალს, თბილისის საქალაქო სასამართლომ ნიკა მელიას პატიმრობა შეუფარდა.^[2] სასამართლოს გადაწყვეტილება, რომლითაც გირაო შეიცვალა პატიმრობით, დასაბუთების ნაწილში წარმოშობს კითხვის ნიშნებს.^[3]

მიმდინარე წლის 18 თებერვალს საქართველოს შინაგან საქმეთა სამინისტრომ აღნიშნული განჩინების აღსრულებასთან დაკავშირებით განცხადება გაავრცელა.^[4] ამავე დღეს, პრემიერ-მინისტრი გიორგი გახარია გადადგა,^[5] რის მიზეზადაც ნაციონალური მოძრაობის თავმჯდომარის, ნიკა მელიას დაპატიმრების თაობაზე თანაგუნდელებთან არსებული უთანხმოება დაასახელა.

შს სამინისტრომ დაგეგმილი ღონისძიება შექმნილი პოლიტიკური სიტუაციის გამო დროებით გადადო.^[6] ხოლო, პარლამენტის მიერ პრემიერ-მინისტრობის ახალი კანდიდატის, ირაკლი ღარიბაშვილს, მიმართ ნდობის გამოცხადების^[7] შემდეგ, მეორე დღესვე ნიკა მელია დააკავეს.^[8] სახელმწიფო უწყებების მხრიდან მსგავსი ქმედებები გვაფიქრებინებს, რომ ამ საქმესთან დაკავშირებით გადაწყვეტილებები მიიღება არა სამართლებრივი, არამედ პოლიტიკური მიზნების შესაბამისად.

ჩატარებული სპეცოპერაციის შეფასება:

ერთიანი ნაციონალური მოძრაობის ოფისთან ნიკა მელიას დაპატიმრების მიზნით შეიკრიბა მასშტაბური საპოლიციო ძალა, ხოლო დაკავების პროცესში შენობაში შეკრებილი პოლიტიკური პარტიების ლიდერებისა და მოქალაქეების წინააღმდეგ გამოყენებული იყო სპეციალური საშუალება - სავარაუდოდ წინააღმდეგობის წინააღმდეგობის უგულებელსაყოფად,^[10] როდესაც არსებობს დაზიანების მყისიერი და გარდაუვალი საფრთხე.^[11] დაუშვებელია მათი გამოყენება პასიური წინააღმდეგობის დროს,^[12] ასევე დახურულ სივრცეებში, სადაც არ არის ადეკვატური ვენტილაცია ან უსაფრთხო გასასვლელი.^[13] ასეთ შემთხვევაში, არსებობს ჯანმრთელობის სერიოზული

დაზიანების საფრთხე.^[14] ქიმიური საშუალებები უნდა გამოიყენებოდეს მხოლოდ მაშინ, როდესაც სამართალდამცავებს აქვთ საკმარისი ინფორმაცია იმის დასადასტურებლად, რომ ეს საშუალებები არ გამოიწვევს ჯანმრთელობის გაუმართლებელ პრობლემებს.^[15] აუცილებელია მათი სწორად გამოყენება, რაც გულისხმობს ცრემლსადენი გაზის/წინაკის სპრეის შესხმას პირისგან რამდენიმე მეტრის დაშორებით.^[16] თავიდან უნდა იქნეს არიდებული მათი განმეორებითი ან ხანგრძლივი გამოყენება.^[17]

საგულისხმოა, რომ მოცემულ შემთხვევაში, ერთიანი ნაციონალური მოძრაობის ოფისში შეკრებილი მოქალაქეები არ მიმართავდნენ ძალადობრივ ქმედებებს. ისინი იმყოფებოდნენ დახურულ სივრცეში, აგრეთვე, შეუძლებელი იყო შენობის უსაფრთხო და მყისიერი დატოვება. ამას მოწმობს ის ფაქტიც, რომ შენობაში მყოფი ერთ-ერთი პირი ცდილობდა ფანჯრის ჩამტვრევას სავარაუდოდ სპეციალური ქიმიური საშუალების გამოყენების შედეგად წარმოშობილი უკაერობის უგულვებელსაყოფად.^[18] ამ ყველაფერზე დაყრდნობით, შესაძლებელია ითქვას, რომ პოლიციის მიერ სპეციალური ქიმიური საშუალების გამოყენება მოხდა კანონისა და საერთაშორისო სტანდარტების დარღვევით.

ამოღებული კომპიუტერული ტექნიკა:

გარდა ამისა, გავრცელდა ინფორმაცია, რომ ერთიანი ნაციონალური მოძრაობის ოფისიდან ამოიღეს კომპიუტერული ტექნიკა. აღნიშნული წარმოადგენს სისხლის სამართლის საპროცესო კოდექსით მკაცრად რეგულირებად საგამოძიებო მოქმედებას, რომლის ჩატარების დროსაც ყველა შემთხვევაში აუცილებელია ლეგიტიმური მიზნის არსებობა. მოცემულ შემთხვევაში, რადგან საქმე ეხება ერთ-ერთი ოპოზიციური პარტიის ცენტრალურ ოფისში არსებული კომპიუტერული სისტემიდან ისეთი მონაცემების ამოღებას, რომელიც შესაძლოა, დაკავშირებული იყოს პოლიტიკური პარტიის საქმიანობასთან, მნიშვნელოვანია, შესაბამისმა ორგანოებმა საზოგადოებას განუმარტონ საგამოძიებო მოქმედების ჩატარების დასაბუთებული ლეგიტიმური მიზანი.

ადმინისტრაციული დაკავებები:

ერთიანი ნაციონალური მოძრაობის ოფისთან განვითარებული მოვლენების დროს პოლიციამ ადმინისტრაციული წესით დაკავა არაერთი ადამიანი,^[19] აგრეთვე საქართველოს პარლამენტთან მშვიდობიანი პროტესტის გამოხატვის პროცესში დაუსაბუთებლად დააკავეს სამოქალაქო აქტივისტი ნოდარ რუხაძე.^[20] აღსანიშნავია, რომ საქართველოს ადმინისტრაციული სამართალდარღვევათა კოდექსი ადგენს ადმინისტრაციული დაკავების მიზნებსა და საფუძვლებს, აგრეთვე დაკავების წესს. ადმინისტრაციული დაკავების პროცესში სამართალდამცავები უნდა ხელმძღვანელობდნენ

კანონმდებლობის მოთხოვნათა სრული დაცვით. დაუშვებელია მათი მხრიდან ადმინისტრაციული დაკავების შესახებ გადაწყვეტილების მიღება მშვიდობიანი პროტესტის აღსაკვეთად, პირთა მათთვის არასასურველი ადგილიდან განსარიდებლად ან/და სხვა ისეთი მიზნით, რომელიც არ გამომდინარეობს კანონმდებლობიდან და ემყარება მხოლოდ ცალკეულ პოლიციელთა ან მათ ხელმძღვანელ პირთა მიხედულებას.

ბოლო დღეების განმავლობაში ვნახეთ სამართალდამცავთა მხრიდან შეკრების უფლებაში ჩარევის არაერთი შემთხვევა, კერძოდ, რუსთაველის გამზირზე პარლამენტის შენობის წინ მიმდებარე ტერიტორიაზე, პოლიცია აქციის მონაწილეებს დაუსაბუთებლად არ აძლევდა უფლებას, გაეშალათ კარავი, რაც წარმოადგენდა კანონმდებლობის დარღვევას.^[21]

ამ ყველაფერზე დაყრდნობით, საქართველოს ხელისუფლებას მოვუწოდებთ:

- მიიღოს ყველა ზომა პოლიტიკური პროცესების დეესკალაციისა და ნორმალიზების მიმართულებით;
- მისცეს დემონსტრანტებს მშვიდობიანი შეკრების უფლებით სარგებლობის უფლება და მშვიდობიანი პროტესტის აღსაკვეთად არ გამოიყენოს პოლიციური ძალა.

[1] <https://www.radiotavisupleba.ge/a/31105623.html> ნიკა მელიას იმუნიტეტი მეორედ მოუხსნა რადიო თავისუფლების ვებგვერდი, 16.02.2021. ხელმისაწვდომია:

[2] <https://www.radiotavisupleba.ge/a/31107595.html> პატიმრობა შეუფარდა ნიკა მელიას, რადიო თავისუფლების ვებგვერდი, 17.02.2021. ხელმისაწვდომია:

[3] <https://bit.ly/2NT2hjj> და EMC მელიას მიმართ პატიმრობის შეფარდებას ეხმიანებიან საქართველოს ახალგაზრდა იურისტთა ასოციაციის ვებგვერდი, 18.02.2021. ხელმისაწვდომია:

[4] <http://bit.ly/2OVViGC> საქმეთა სამინისტროს განცხადება შინაგან საქმეთა სამინისტროს ვებგვერდი, 18.02.2021. ხელმისაწვდომია:

[5] <https://www.radiotavisupleba.ge/a/31108927.html> გახარია პრემიერობიდან გადადგა რადიო თავისუფლების ვებგვერდი, 18.02.2021. ხელმისაწვდომია:

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



[6] **შინაგან საქმეთა სამინისტროს განცხადება შინაგან საქმეთა სამინისტროს ვებგვერდი**, 18.02.2021. ხელმისაწვდომია: <https://police.ge/ge/shinagan-saqmeta-saministros-gantskhadeba/14411>.

[7] **საქართველოს მთავრობის ვებგვერდი**, 22.02.2021. ხელმისაწვდომია: http://gov.ge/index.php?lang_id=GEO&sec_id=556&info_id=78664.

[8] **მელისა დაკავებულითა თავისუფლების ვებგვერდი**, 23.02.2021. ხელმისაწვდომია: <https://www.radiotavisupleba.ge/a/31116776.html>.

[9] პოლიციის შესახებ საქართველოს კანონის მე-12 მუხლის 1-ლი პუნქტი.

[10] OHCHR, *Guidance on Less-lethal Weapons in Law Enforcement*, (2020), p. 7.2.2. ხელმისაწვდომია: https://www.ohchr.org/Documents/HRBodies/CCPR/LLW_Guidance.pdf.

[11] იქვე, იხ. p. 7.2.3; OSCE, ODIHR, *Handbook on Monitoring Freedom of Peaceful Assembly*, Second Edition, (2020), 92. ხელმისაწვდომია: https://www.osce.org/files/f/documents/d/1/473439_0.pdf.

[12] OHCHR, *Guidance on Less-lethal Weapons in Law Enforcement*, (2020), p. 7.2.7.

[13] იქვე; Tali v. Estonia, App no. 66393/10, (ECtHR. 2014), p. 78; Amnesty International, *Use of Force: Guidelines for Implantation of the UN Basic Principles on the Use of Force and Firearms by Law Enforcement Officials*, (August 2020), 157.

[14] OHCHR, *Guidance on Less-lethal Weapons in Law Enforcement*, (2020), p. 7.2.7.

[15] იქვე, იხ. p. 7.2.3.

[16] იქვე, იხ. p. 7.2.6.

[17] იქვე, იხ. p. 7.2.2.

[18] ტელეკომპანია მთავარის პირდაპირი ტრანსლაცია, 2021 წლის 23 თებერვალი, 08:50:49 საათი, იხ. <http://www.myvideo.ge/tv/mtavari/2021-02-23/08:50:49>.

[19] **შინაგან საქმეთა სამინისტროს განცხადება შინაგან საქმეთა სამინისტროს ვებგვერდი**, 23.02.2021.

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ხელმისაწვდომია: <https://bit.ly/3slAmXY>; დაკავებული პირები მოგვიანებით ხელწერილის საფუძველზე გათავისუფლდნენ, იხ. [\[20\]](#) მოძრაობის ოფისთან დაკავებული 21 პირი ხელწერილის საფუძველზე გათავისუფლდა, რადიო თავისუფლების ვებგვერდი, 23.02.2021. ხელმისაწვდომია: <http://bit.ly/37CvaHd>.

[\[20\]](#) [\[20\]](#) რუხაძე ღარიბაშვილისთვის მონის დაძახების გამო დააკავეს იხ.[\[21\]](#) <https://www.facebook.com/tvpirveli/posts/1888339464658685>.

[\[21\]](#) [\[21\]](#) მოუწოდებს შინაგან საქმეთა სამინისტროს პატივი სცეს ტროტუარზე კარავის მეშვეობით შეკრების ჩატარების უფლებას [\[22\]](#) [საქართველოს ახალგაზრდა იურისტთა ასოციაციის ვებგვერდი](#), 19.02.2021. ხელმისაწვდომია: <https://bit.ly/2MggfuX>.